



Adresa: Ul. Hamdije Čemerlića 39.
71000 Sarajevo
<http://www.voda.ba>

tel. +387 33 726-422
fax. +387 33 726-423
e – mail: info@voda.ba

Broj: **UP-1/21-2-40-151-6/22**

Datum: **17.06.2022. godine**

„Agencija za vodno područje rijeke Save“ Sarajevo rješavajući po zahtjevu Investitora, „TOLA Company“ d.o.o. Zenica Podružnica „Tuzlamet“ Lukavac, za izdavanje vodne saglasnosti na projektnu dokumentaciju kojom je obuhvaćena aktivnost ispuštanja oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za otkup, tretman i privremeno skladištenje sekundarnih sirovina, sa pratećim objektima i sadržajima koji se planira graditi na zemljištu označenom kao k.č. br.1531, 1480, 1481 i 1482 K.O. Lukavac, na osnovu člana 114., a u vezi sa članom 109. stav (1) tačka 2. i stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 49/99), donosi

RJEŠENJE **o vodnoj saglasnosti**

1. Investitoru „TOLA Company“ d.o.o. Zenica Podružnica „Tuzlamet“ Lukavac daje se vodna saglasnost na projektnu dokumentaciju kojom je obuhvaćena aktivnost ispuštanja oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za otkup, tretman i privremeno skladištenje sekundarnih sirovina, sa pratećim objektima i sadržajima koji se planira graditi na zemljištu označenom kao k.č. br.1531, 1480, 1481 i 1482 K.O. Lukavac, a u skladu sa projektnom dokumentacijom:

- Glavni projekat snabdijevanja vodom i dispozicija otpadnih voda za potrebe poslovno-proizvodnog objekta-otkup, tretman i privremeno skladištenje sekundarnih sirovina, Investitora „TOLA Company“ d.o.o. Zenica Podružnica „Tuzlamet“ Lukavac, Knjiga I, urađen od strane „Atrius projekt“ d.o.o. Živinice, broj projekta: 1-174-06/22, juni 2022. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Ova vodna saglasnost ne oslobađa podnosioca zahtjeva obaveze pribavljanja vodne saglasnosti za ispuštanje sanitarnih otpadnih voda za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav 2. Zakona o vodama kao i saglasnosti i dozvola od strane drugih nadležnih organa u skladu sa drugim Zakonima.

3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.

4. Vodna saglasnost se daje pod slijedećim uslovima:

4.1. Radove na izgradnji objekata za prikupljanje, prečišćavanje i ispuštanje oborinskih onečišćenih voda sa prostora ispred upravne zgrade, kontejnera za lagerovanje akumulatora, nadstrešnice za skladištenje starih motornih vozila, parking prostora za teretna i putnička vozila, kontejnera za smještaj drugih sekundarnih sirovina i drugih radno manipulativnih i

skladišnih površina izvesti u skladu sa ovjerenom projektnom dokumentacijom, navedenoj u tački 1. dispozitiva ovog Rješenja.

4.2. Nakon izvođenja radova sistema odvodnje i prečišćavanja oborinskih onečišćenih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.

4.3. Na odvodnom cjevovodu, neposredno iza oba separatora ulja i masti neophodno je izvesti posebna reviziona okna koja će služiti kao okno za uzimanje uzoraka (monitoring okno).

4.4. Obezbijediti da kvalitet prečišćene oborinske onečišćene vode prije ispuštanja iste u prijemnik – otvoreni kanal koji se graniči sa parcelom, bude u skladu sa odredbama člana 14. Uredbe o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, br. 26/20, 96/20).

4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.

4.6. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.

4.7. Predvidjeti da se sav nastali otpad prikuplja u skladu sa važećim propisima o postupanju sa otpadom.

4.8. Manipulativnu površinu potrebno je izvesti kao betonsku nepropusnu plohu sa odgovarajućim nagibima i pripadajućim slivnicima.

4.9. Sve kolizije sa postojećim instalacijama (elektroenergetske, telefonske, kanalizacije i ostale infrastrukture) na lokaciji, ukoliko do takvih situacija tokom izvođenja radova dođe, rješavati će se uz saglasnost mjesnog nadležnog preduzeća, koje će dati tehničke uslove za izvođenje ovih radova.

4.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemne i površinske vode.

4.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.

4.12. U okviru gradilišta riješiti prikupljanje i konačnu dispoziciju sanitarno–fekalnih otpadnih voda u skladu sa uslovima koje će propisati u rješenju o vodnoj saglasnosti nadležno Ministarstvo poljoprivrede, šumarstva i vodoprivrede Tuzlanskog kantona.

4.13. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.

4.14. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.

4.15. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 09-19-1320/20 od 19.01.2021. godine i broj: 09-19-803/20 od 23.12.2021. godine izdata od strane Službe za urbanizam, prostorno uređenje i zaštitu okoliša općine Lukavac i Rješenja o okolinskoj dozvoli, broj: 12/01-1-23-028100/17 od 25.10.2017. godine izdato od strane Ministarstva prostornog uređenja i zaštite okolice Tuzlanskog kantona.

5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

6. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa Zakonom o vodama.

7. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.

8. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole.

Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20).

9. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.

10. Ovo Rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor „TOLA Company“ d.o.o. Zenica, Podružnica „Tuzlamet“ Lukavac zatražio je izdavanje vodne saglasnosti na projektnu dokumentaciju kojom je obuhvaćena aktivnost ispuštanja oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada pogona za otkup, tretman i privremeno skladištenje sekundarnih sirovina, sa pratećim objektima i sadržajima koji se planira graditi na zemljištu označenom kao k.č. br.1531, 1480, 1481 i 1482 K.O. Lukavac.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opća dokumentacija:

- Rješenje o izmjenama podataka. Broj: 043-0-Reg-21-000944 od 14.10.2021. godine izdato od strane Općinskog suda u Zenici - ovjerena kopija,
- Uvjerjenje o registraciji poreznog obveznika od 28.10.2021. godine izdato od strane Kantonalnog poreznog ureda u Zenici - ovjerena kopija,
- Uvjerjenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-4329-2/14 od 09.07.2014 godine izdato od strane Uprave za indirektno-neizravno oporezivanje Banja Luka – ovjerena kopija,
- Rješenje o izdavanju dozvole za aktivnosti upravljanja otpadom, broj: 12/01-1-23-028109/17 od 02.10.2017. godine izdato od strane Ministarstva prostornog uređenja i zaštite okolice Tuzlanskog kantona - ovjerena kopija,
- Rješenje, broj: 043-0-Reg-21-000945 od 14.10.2021. godine izdato od strane Općinskog suda u Zenici o postupku brisanja društva Tuzlamet d.o.o. Lukavac i osnivanju podružnice „Tola Company“ d.o.o. Zenica, Podružnica Tuzlamet Lukavac - ovjerena kopija,
- Rješenje o okolinskoj dozvoli, broj: 12/01-1-23-028100/17 od 25.10.2017. godine izdato od strane Ministarstva prostornog uređenja i zaštite okolice Tuzlanskog kantona – ovjerena kopija,
- Rješenje o urbanističkoj saglasnosti broj: 09-19-1320/20 od 19.01.2021. godine izdato od strane Službe za urbanizam, prostorno uređenje i zaštitu okoliša općine Lukavac - ovjerena kopija,
- Rješenje o urbanističkoj saglasnosti broj: 09-19-803/20 od 23.12.2021. godine izdato od strane Službe za urbanizam, prostorno uređenje i zaštitu okoliša općine Lukavac - ovjerena kopija,
- Rješenje o prethodnoj vodnoj saglasnosti, broj:UP-1/21-1-40-149-5/21 od 29.04.2021. godine izdato od strane Agencije za vodno područje rijeke Save, Sarajevo – kopija,
- Ugovor br.: 267-01/22 od 21.03.2022. godine potpisan sa „Kemeko-BH“ d.o.o. Lukavac,
- Dokaz o uplaćenju federalnoj upravnoj pristojbi na zahtjev.

B. Tehnička dokumentacija:

- Glavni projekat snabdijevanja vodom i dispozicija otpadnih voda za potrebe poslovno-proizvodnog objekta-otkup, tretman i privremeno skladištenje sekundarnih sirovina, Investitora „TOLA Company“ d.o.o. Zenica Podružnica „Tuzlamet“ Lukavac, Knjiga I, urađen od strane „Atrius projekt“ d.o.o. Živinice, broj projekta: 1-174-06/22, juni 2022. godine,
- Revizija Glavnog projekta snabdijevanja vodom i dispozicija otpadnih voda za potrebe poslovno-proizvodnog objekta-otkup, tretman i privremeno skladištenje sekundarnih sirovina urađena od strane TZI Inženjering d.o.o. Sarajevo

U provedenom postupku konstatovano je sljedeće:

- Objekti će biti locirani na parcelama označenim kao k.č. br.1531, 1480, 1481 i 1482 K.O. Lukavac.

- U poslovno-proizvodnom kompleksu objekata namjene– otkup, tretman i privremeno skladištenje sekundarnih sirovina te njegova distribucija proces rada će se svoditi se na slijedeće aktivnosti: doprema sekundarnih sirovina (metali, plastika, čelične armature, stara vozila i slično), vaganje dopremljenih sekundarnih sirovina, obrada sekundarnih sirovina, deponovanje prethodno izvaganih sekundarnih sirovina na mjesta koja su predviđena za određene sirovine, vodeći računa o njihovoj zaštiti od vremenskih prilika, otpremanje obrađenih sekundarnih sirovina specijalizovanim firmama.

- Površinske oborinske vode koje će nastati na krugu I i krugu II će se prikupljati zasebnim kanalizacionim sistemom i odvoditi na tretman do separatora ulja i masti (dva), te dalje preko preliva do revizionog šahta – monitoring okna i dalje cjevovodom do postojeće površinskog kanala koji se uljeva u rijeku Spreču.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-149-5/21 od 29.04.2021. godine izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu. Provođenje aktivnosti na izgradnji predmetnog objekta usklađeno je sa planskim dokumentima općine (izdato Rješenje o urbanističkoj saglasnosti) i nije u koliziji sa interesima sektora voda, niti u prostoru zona sanitarne zaštite izvorišta vode za piće.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH”, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

mr. sci. Selma Merdan, dipl.inž.geol.

Prilog: Ovjerena Tehnička dokumentacija navedena pod tačkom B. obrazloženja Rješenja

Po ovlaštenju
Rukovodilac sektora za izdavanje vodnih akata



Haris Ališehović, dipl.inž.građ.

Dostaviti:

- „TOLA Company” d.o.o. Zenica Podružnica „Tuzlamet” Lukavac

Ul. Termoelektrana bb, 75300 Lukavac, (Prilog),

• AVP - ISV - Vodna knjiga,

- Sektor 40, arhiva,

- Oglasna tabla AVP - Sava Sarajevo